

bonæ iudicis florem, qui ad nutum oris nostri A fructuum suum meditatur etiam sub serula: quorum etsi nomina tibi scripta legeres, tamen notitia careres, cum faciem ignorares. Quo tamen verbo me ipse coarguo: quia si cujusque notitiam ex facie metiris, nec te nosci ipsum, cum faciem tuam numquam ipse videris. Saluto te super omnia ea genuina charitate, qua te in eunabulis disciplinæ, elementario eruditioñis lacte nutriti, et ad solidum perfectionis doctrinæ cibum usque perduxi, ut de cætero com-milito meus in acie, et concolonus in labore, com-municeps mili sis supernæ civitatis, et cohæres æternæ hæreditatis. Salutatus ergo saluta ex meo

A nomine humili fratres meos, non quos caro et sanguis in unam mihi congeneravit cognationem, sed quos aqua et Spiritus in unam mecum regeneravit adoptionem: ut cohæres Christi in regno Dei Patris testamento sanguinis ejus sortem accipiamus æternæ beatitudinis. Saluto ergo patres et dominos fratres et amicos; patres cura regiminis, dominos dignitatem prælationis; fratres in Deo patres, amicos in charitate. Saluta, inquam, unumquemque eorum, prout nosti mecum esse vel tecum. Salutatio mea sit al vos omnes, ut eo adjuvante in quem credimus, pariter simus æternæ vite consortes. Amen.

ANNO DOMINI MLIX.

## JOANNES SABINENSIS EPISCOPUS.

### NOTITIA HISTORICA.

(UCUELLI, *Italia sacra*, I, 159.)

Joannes Joanni suffecitus est, electusque episcopus cardinalis Sabinensis a Leone IX. Romano concilio interfuit sub Nicolao II, anno 1059. Sub Alexandro II e vivis eximitur. Hujus Joannis Sabinensis episcopi in monasterii Farsensis indignum facinus, atque in eum divinam ultiōnem recitat anonymous Vaticani codicis de destructione Farsensis monasterii anno 3 Leonis IX. Temporibus Leonis papæ, Joannes Sabinensis episcopus, qui insidiabatur monasterio Farsensi pro decimis et oblationibus mortuorum, maxime pro ecclesia S. Angeli in Toncia, de qua olim fecerat iniquam convenientiam cum domino Ugone abbe, qui eamdem ecclesiam S. Angeli teauit et possedit in dominium hujus monasterii, quam convenientiam ideo diximus, quia temporibus D. Adriani I pontificis Ildebrandus dux per suum præceptum huic monasterio concessit. Ille omnia ignorabat prefatus Hugo abbas, utpote alienigena vir, et prædictam concordiam ab episcopo suscepit, nesciens. Itaque prædictus episcopus insurrexit post hoc, et ad eamdem ecclesiam S. Angeli armata manu perrexit, ejus altare amovens destruxit, et reliquias ex illo abstrahens secum asportavit; et cum inde ad episcopium reverteretur, subito cœlo optime serenato orta est aquæ, grandinis et fulguris

B maxima tempestas. Quo viso episcopus secessit a vita in quendam locum qui dicitur Area, et morari aliquantulum ibi cum ipsis reliquit. Accidit tunc grande miraculum, in ipso loco ubi reliquiae manebant, nil pluviae vel grandinis ibi cecidisse. Cessante vero temestate, rediit ad episcopatum cum magno pavore. Altera autem die, hoc cum audiuit D. Bernardus abbas Ortanus, elegit quendam episcopum, qui tunc forte hospitabatur in hoc monasterio, de Ultramontanis partibus, et collectis abbatis viris et fidelibus militibus cum maximo honoré reædificare studuit ipsum altare, magnis et præcipuis ibi reconditis reliquiis. Super quam rem prædictus episcopus valde condoluit Sabinensi Ecclesiæ, et quia altare ipsum destruxerat et reliquias asportaverat, ipsa nocte percussus est, et unum totius letus corporis obstupescens, donec advixit, periit. Post hoc veritus et pavens super hoc, et nimis dolens, pro ædificatione quam D. abbas noster fieri studuerat, ad eundem locum episcopus perrexit, et abstractis inde novis quas inventis reliquiis, priores illic honorifice recondidit; de ipsis vero novis reliquiis in suo episcopio altariolum construens, consecravit, et demum in D. abbatem nostrum in synodo proclamationem sic fecit. »